

ایکینچی سنه

نومرو : ۱۴

خزینہ اوراق

تاریخ تاسیسی

۱ مایس سنه ۱۲۹۷



مؤسی

محمود جلال الدین



تاریخ طبع
و نشر

۱۶
نفسان
۱۲۹۹

بو رساله ادبیه جمعه ایرتسی کونلری چبقار

بولدیرلمش و دیگرندن دهها شمولی اولدیغی اکلاشیلان
مذکور مقاله ناچیرانه مک خزینه یه درج ونشیری فائده دن
خالی کورلماش اولدیغندن لفا کوندرلشدر .
اولونیه لی ثریا بک

مجوهراته داترمعلومات

دنیا ده موجود و کران قیمتله مشهور اولان الماسلرک
اک بیوکی پورتکیز قراللی خزینه سنده بولنان و «روادو-
پورتغال» نامیله معروف اولاندر جوهر مذکور برازیلیا ده
واقع «قای ده مورن» ده فقیر بر اسیر طرفندن بولنمش
وصاحبی اسیری اعتناق و سنوی معین بر معاشله اتفاق
ایتمشدر . «نری» نام جوهر شناسک تخمینن کبی بیک
ید بیوز اوتوز و یاخود «مادی» نام ذاتک افاده سنجه بیک
التیوز سکسنان قراط اغرلغده اولدیغی صحیح ایسه
«قرق ملیون» فراتق قیمتنی حاز اولق لازم کلور . رنکی
سمائی و طاووق یمر طه سنندن یوک اولوب الا ان تقطیع
اولنماشدر . فرانسه خزینه سنده محفوظ اولان «رژان»
ثقلت و قیمتجه بوندن پک دوندر .

«رژان» هندستانده قولقوندا حکمدارلغنه تابع اولان
«بارنه آل» معدنلرنده بولندیغی زمان درتیوز اون قراط

اغرلغنده ایدی . بیک یدیوز برسنه سنده جوهر فروش
« پانخو » نامنده بز هندی « سن جورج » محافظی اولان
مشهور « ویلیام پنیه » اوچیوز اون ایکی بیک بشیوز فرانغه
صائمش و اوده یوز بکرمی بشیک فرائق صرفیله تقطیع
و تنظیم ایتدیرد کدن صکره اوندر دنجی « لوینک » حال
صباوتنده و بیک یدیوز اون یدی سنه سنده وحیسی بولنان
دوق دور لیانه اوج ملیون اوچیوز یتش بشیک فرانغه
و یرمشدر . بیک یدیوز طقسان سنه سنده پارس جوهر-
شناسلری فیثاتی اون ایکی ملیون فرائق قدر تخمین
ایتدکری کبی دنیانک الک کوزل الماسی اولق اوزره شهرت
بولمشدر . رزان فرانسه اختلال کیری اثناسنده خرینه
خاصه ده محفوظ ایکن الان مجهول اولان برسارق آشیرمش
و بر مدت صکره « دانتو » نام ذات پارس حبسخانه سنک
طار و قرانلق بر گوشه سنده و یاخود « شانزلیزه » جاده سنک
« ده نو » زوقاغنسک بر طرفنده بولوب یرینه قویمشدر
« کوه نور » نامیله معروف انکلتزه قرالیمه سنک درتیوز
طقسان یدی پارچه الماسله مرصع تاجیره موضوع اولان
جوهر دنیاده موجود جواهر مشهوره نیک اسکیدی
اولوب روایته نظراً میلاد عیسادن ایکی بیک سنه اول
« انقا » حکمداری « قارنائک » دستنده ایدی هندستانده

اك اول كيدب يرلشمش اولان انكليز قومپايه سی جوهر
مذكوری «رونديت پينغ» نام حکمدار دن التي مليون
فرانغه مبايعه ايدرك انكلتره قرالی اوچنجی ژورژه قومپايه نك
امتيازاتنی توسيع ايتديكي صرہ ده يعنی يك يديوز
سكساندرت تاريخنده تقديم ايلشدر .

«دریای نور» یاخود «گران موغول» ناميله مشهور
اولان جوهر يديوز سكرسان قراط اغرلغنده اولديغی
كوستریلورسده فيثاتی اون ايکی مليون فرائق قدر تخمین
اولنور بوتفاوت کلیه جوهر مذکورك اورو بالورجه رنگ
وجلاسی بيلغامسندن و یا ثقلتنك مبايعه اولميسندن نشئت
ايتش اولسه کرکدر . يك يوز قرق سنه سنده طحماس
قولى خان يعنی نادر شاه ناميله معروف اولان آفت جهان
مغولستان کیری استیلا ايتديکی صرہ ده مغول حکمدارندن
المش وایرانه کتورمشدر که آلان ایرانك حزينه خاصه سنده
محفوظدر دنیلور .

مجوهرات مذکورہ دن بریده روسیه ایمپراطورلغنده
بولتان «اورلوف» در ثقلتی یوزاوتوزاوج قراطورنکی
بیاض وپك پارلاقدر فيثاتیده سكر مليون فرائق قدر
تخمین اولنیور دیورلر که جوهر مذکورهندلیلرک «شریتقام»
ناميله مشهور اولان صنمک بر کوزی مقامنده موضوع ایدی

بیک یدیوز یتش بش سنه سنده انکلیز قومپانیاسیله کیدن
 ر فرانسزلی صنمک ایکی کوزینه عرض پرستشله تبدیل
 دین ایتش و براهمه سلکنه داخل و صکره مذکور یتک
 محافظه سی خدمتنه نائل اولمشیدی یار واغیاردن خالی
 قالدیغی بر کیمده معبودینک دیدۀ نور افشانتی چیقارمش
 وکال تلاشله مادر اسه کلیمشدی اوراده بولنان بر انکلیز
 قبودانی حریفک تلاشندن اثر خیانت اکلالمش و عند
 الاستنطاق الماسی آشیردیغنی اقرار ایتش اولسندن اللی بیک
 فرانق مقابلنده الماسی حریفدن اله بیلشدر . قبودان
 مر قومده انی اوچیز اللی بیک فرانغه بر یهودی به صاتمیش
 و اوده پرنس اورلوفه و یروب نهایت ایکی بچق ملیون
 فرانق قیمتله ایکنجی قاترینه مبیعه ایتشدر قاترینه ایکی
 بیک بشیوز اوتوز بش عدد الماسله یاپدردیغی تاجه اورلوفی
 قویمش و شمعی رومانوف سلسله حکمدار یسنه مخصوص
 افسر حشمتده موضوع بولنشدر .

نجم جنوبی نامیله مشهور اولان جوهر مسیو آلف
 نامنده بر ینک دست تصرفنده در بیک سسکز یوز اللی ایکی
 سنه سنده و برازیلیاده واقع بوقاکم معدنلرنده بر سیاه اسیر
 طرفندن بولنشدر .

قبل التقطیع ایکیز قرق درت بچق قراط اغرغنده

ایلیسه ده قوسفه فابریقه سنده تنظیم و تقطیع اولندقدن -
 صکره یالکز یوز یکر می بش قراط قدر قالمشدر یدی ملیون
 فرائق قیمتی حاز اولوب موجود مجوهراتک الک زیاده
 جلاداریدر .

اوستریا ایمپراطور لغنده محفوظ و غران دوق
 دوطوسقان نامیه معروف اولان صاری جوهرده
 یوز اوتوز طقوز قراط اغرلغنده ایسه ده پک یصی و طقوز
 زاویه لی بر یلدیز شکنده در قیمجه سارلزدن دون و فقط
 حسن انتظامجه جله سندن کوزلدر « سانس » نامنده کی
 الماسپاره مشهورده قرق بش قراط اغرلغنده و بادم
 شکنده اولوب بر یچق ملیون فرائق قیمته در حکمدار لاله
 پرنس لک رؤس و ایادی مباحاتنه زینت و یرمش اولان
 بوجوهر نهایت ایکی فرانقه قدرده صاتمشددر بوکا متفرع
 حکایت بر ترجمه حال شکله کیره جک قدر اوزون و نهایتی
 ایسا بونک شمعی فرانسه خزینه سنه انتقال ایلدیکندن
 عبارتدر برنجی ناپولیون بر چوق مجوهراتله مرصع
 یلیدیغی تاج مشهورنده رزانی ولونی نهاده موقع زینت
 ایتمش و بوکونکی کونده فرانسه جمهوریتی جله سنی
 صاتعه قرار و یرمشدر .

بورنه نو حکمدارنده بولسان بر جوهر اوچوز قراط
اولدیغی روایت اولمغله بک مشهوردر .

بک سکز یوز سکسان ایکی سنه سننده امید بروننده
واقع ناتال معدنلرنده بولمش اولان بر جوهرده ایکیوز
قراط اغرلغنده اولوب الآن تقطیع ویافروخت اولنماش
والآن قومپانیه نك النده قالمشدر .

روسیه لی پرنس یوزوبوفده بولسان وقرق سکز
قراط اغرلغنده اولان جوهرده پارلاقلی و بناء علیه کران
بها ایله معروف اولاندنددر .

دنیاده که مجوهرات اره سننده ثقلیجه دکل فقط رنگ
ولونیله شهرت بولمش اولاندردده چوقدر .

انلردن بری موسیو هوب نام ذاتده بولنان وقرق درت
بحق قراط اغرلغنده اولان سیاه برالماسپاره شفاف عادتاً
کوره بکرز برشیدر درزدا خزینته خاصه سننده رنگی اچیق
یشیله مائل بر جوهر وارکه اوتوز بر قراط اغرلغنده یسه ده
فیثاتی بک زیاده در مسیو الفنک مالک اولدیغی برحق
مجوهرات اراسننده برده یکر می قراط اغرلغنده برلماس
وارکه اچیق قهوه رنگنده اولوب کونشه نرشو
طوتلدیغی کبی تدریج ایله برقرمزی رنگ حاصل ایدر
و بورنک عارضیسی اون کون قدر دوام ایتدکن سکره

آزر آزر اسکی هیئته تحول ایلر بوجوهر غریب فرانسه
اقادیمیا سنه کتوریلوب تبدلات لونیه سی بش دفعه تجربه
ایدلش ومواد کیویه سیله حاصل ایتدیکی لون عارضنک
اسبابی اکلاشیله مامش اولغله ناظرینی بر بیوک حیرت
وتعجب ایچنده بر ایتشدیر .

مارکیز « دره نامنده بر قادین قرمری بر الماسه مالکدر
سکز یوز بیک فرائق قدر قیمتی واردر مسیوباج نام بر
ذاتک مالک اولدیغی بر جوهر سکز درلو لونی جامع اولوب
« جوجه جوهر » نامیله معروفدر اون دردنچی لونی بونی
التیوز بیک فرانقه مبايعه و یادکار اوله رق فرانسه خزینه سنه
ترک ونهاده ایتشدیر فرانسه موزه خانه سنده موضوع موقع
تماشا اولان بر جوهرده بک بیوک و شمعی به قدر مثلی
کورلماش صاری بر رنکده در .

امستردام شهرنده بولنان بر قابریقه مجوهرات تقطیع
وتنظیم ایتک وجلا ویرمک ایچون دنیا تک ال برنجیسیدر
قابریقاده یالکز مجوهراته جلا ویرمکه مخصوص یوز بکرمی
دستگاه اولوب یومی التیوز ادم ایشلمکده وعمله تک هربری
هفته ده یتشدن سکسان فرانقه قدر اجرت المقده در .

